

Zbirka medijskih objava

VladaBrckoDistrikta_kliping_dnevno,
za razdoblje 28. 6. 2022

Broj objava: 22

Internet: 12

Televizija: 2

Štampa: 8

Teme praćenja:

Vlada Brčko Distrikta: 5

Gradonačelnik: 0

Skupština Brčko: 0

Brčko: 19

Vlada Brčko Distrikta:

Internet	Naslov	U Brčkom počeo upis učenika u srednje škole, za deficitarna zanimanja stipendija od 100 maraka		
Serijski br. 1	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 27. 6. 2022		
	Autor	Unknown		
	Teme	Vlada Brčko Distrikta , Brčko		

Internet	Naslov	Brčko: Počeo upis učenika u srednje škole		
Serijski br. 2	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 27. 6. 2022		
	Autor	Unknown		
	Teme	Vlada Brčko Distrikta		

Internet	Naslov	Brčko: Župni zbor Presvetog Srca Isusova realizuje projekt "Radujte se s nama" (FOTO)		
Serijski br. 3	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 27. 6. 2022		
	Autor	Unknown		
	Teme	Vlada Brčko Distrikta		

Internet	Naslov	Telegram saučesća povodom smrti fra Mirka Jožića		
Serijski br. 4	Medij; Doseg	Radiobrcko.ba; , Bosna i Hercegovina		
	Rubrika, Datum	Ostalo; 27. 6. 2022		
	Autor	Unknown		
	Teme	Vlada Brčko Distrikta		

Internet	Naslov	„Radujte se s nama“ /FOTO		
Serijski br. 5	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 28. 6. 2022		
	Autor	Unknown		
	Teme	Vlada Brčko Distrikta , Brčko		

Brčko:

Internet	Naslov	Brčko: Održana radionica pod nazivom "Nezavisno življenje i uključenost u zajednicu"		
Serijski br. 1	Medij; Doseg	Infobrcko.com; , Bosna i Hercegovina		
	Rubrika, Datum	Ostalo; 27. 6. 2022		
	Autor	Unknown		
	Teme	Brčko		

Internet	Naslov	Bliži se veliko finale Sportskih igara mladih: Takmičenja u duhu fair play-a na terenima širom BiH		
Serijski br. 2	Medij; Doseg	Klix.ba; , Bosna i Hercegovina		
	Rubrika, Datum	Ostalo; 27. 6. 2022		
	Autor	D. P.		
	Teme	Brčko		

Internet	Naslov	Još tri dana za prijave na ovogodišnji Marš mira		
Serijski br. 3	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 27. 6. 2022		
	Autor	Unknown		
	Teme	Brčko		

Internet	Naslov	U Brčkom počeo upis učenika u srednje škole, za deficitarna zanimanja stipendija od 100 maraka		
Serijski br. 4	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 27. 6. 2022		
	Autor	Unknown		
	Teme	Vlada Brčko Distrikta , Brčko		

Internet	Naslov	Vandalizam: U Gornjoj Maoči/Karavlasima porušeni nadgrobni spomenici /FOTO		
Serijski br. 5	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 27. 6. 2022		
	Autor	Unknown		
	Teme	Brčko		

Televizija	Naslov	Problemi mladih u Brčkom		
Serijski br. 6	Medij; Doseg	Radio Televizija Federacije Bosne i Hercegovine; , Bosna i Hercegovina	17:00	Trajanje: 2 min
	Rubrika, Datum	Federacija danas; 27. 6. 2022		
	Autor	Adis Mujdžanović		
	Teme	Brčko		

Televizija	Naslov	Izložba u Brčkom		
Serijski br. 7	Medij; Doseg	Radio televizija Republike Srpske; , Bosna i Hercegovina	17:00	Trajanje: 2 min
	Rubrika, Datum	Srpska danas; 27. 6. 2022		
	Autor	Unknown		
	Teme	Brčko		

Internet	Naslov	Vijeće mladih Brčko upriličilo sastanak sa predstavnicima zakonodavne i izvršne vlasti Brčko distrikta		
Serijski br. 8	Medij; Doseg	Radiobrčko.ba; , Bosna i Hercegovina		
	Rubrika, Datum	Ostalo; 27. 6. 2022		
	Autor	Unknown		
	Teme	Brčko		

Štampa	Naslov	Mnogi će, umjesto 100 KM na dan, po borovnicu radije u šumu		
Serijski br. 9	Medij; Doseg	Večernji list; 141.611, Bosna i Hercegovina	Stranica: 18	Površina: 404 cm ²
	Rubrika, Datum	Aktualno; 28. 6. 2022		
	Autor	R. I.		
	Teme	Brčko		

Internet	Naslov	Nevolje Rize Krake iz Brčkog, dobio donaciju za popravak kuće, pa mu sad, od penzije, odbijaju rate. Nadležni šute /FOTO		
Serijski br. 10	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 28. 6. 2022		
	Autor	Unknown		
	Teme	Brčko		

Internet	Naslov	Građani Brčkog mogu aplicirati za turističke vaučere /VIDEO		
Serijski br. 11	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 28. 6. 2022		
	Autor	Unknown		
	Teme	Brčko		

Internet	Naslov	„Radujte se s nama“ /FOTO		
Serijski br. 12	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 28. 6. 2022		
	Autor	Unknown		
	Teme	Vlada Brčko Distrikta , Brčko		

Štampa	Naslov	Predsjedništvo HDZ-a BiH utvrđuje kandidatske liste za Opće izbore 2022.		
Serijski br. 13	Medij; Doseg	Dnevni list; , Bosna i Hercegovina	Stranica: 2	Površina: 74 cm ²
	Rubrika, Datum	Događaji; 28. 6. 2022		
	Autor	Unknown		
	Teme	Brčko		

Štampa	Naslov	POSLANIČKI MANDAT I DALJE NE VREDI ISTO U CELOJ RS		
Serijski br. 14	Medij; Doseg	Euro Blic; , Bosna i Hercegovina	Stranica: 3	Površina: 437 cm ²
	Rubrika, Datum	Politika; 28. 6. 2022		
	Autor	S.Popadić		
	Teme	Brčko		

Štampa	Naslov	Povorka i performans u raljama politike		
Serijski br. 15	Medij; Doseg	Oslobođenje; , Bosna i Hercegovina	Stranica: 1	Površina: 1.283 cm ²
	Rubrika, Datum	Kultura; 28. 6. 2022		
	Autor	M.J. Matea Jerković, Krajišnik Đorđe		
	Teme	Brčko		

Štampa	Naslov	Bijeljina naneo povrede Brčku		
Serijski br. 16	Medij; Doseg	Oslobođenje; , Bosna i Hercegovina	Stranica: 25	Površina: 80 cm ²
	Rubrika, Datum	Crna hronika; 28. 6. 2022		
	Autor	Unknown		
	Teme	Brčko		

Štampa	Naslov	Cinema italiano		
Serijski br. 17	Medij; Doseg	Oslobođenje; , Bosna i Hercegovina	Stranica: 27	Površina: 73 cm ²
	Rubrika, Datum	Kultura; 28. 6. 2022		
	Autor	N. S.		
	Teme	Brčko		

Štampa	Naslov	Sportske igre mladih nastavile put po Bosni i Hercegovini		
Serijski br. 18	Medij; Doseg	Oslobođenje; , Bosna i Hercegovina	Stranica: 47	Površina: 593 cm ²
	Rubrika, Datum	Sport; 28. 6. 2022		
	Autor	Zlatko Šarić		
	Teme	Brčko		

Štampa	Naslov	Gradnja autoputa		
Serijski br. 19	Medij; Doseg	Poslovne novosti; , Bosna i Hercegovina	Stranica: 11	Površina: 38 cm ²
	Rubrika, Datum	Vijesti; 28. 6. 2022		
	Autor	Unknown		
	Teme	Brčko		

Održana radionica pod nazivom “Nezavisno življenje i uključenost u zajednicu”



Udruženje roditelja djece s poteškoćama u razvoju i osoba s invaliditetom **Brčko** distrikta u saradnji sa organizacijom Sumero iz Sarajeva, te Češkom razvojnom organizacijom “People in Need“, kroz Projekat “Moj posao“, organizovali su danas drugu po redu edukativnu radionicu za zastupnike i samozastupnike prava osoba s invaliditetom u zajednici pod nazivom “Nezavisno življenje i uključenost u zajednicu”.

Prema riječima predsjednice Udruženje roditelja djece s poteškoćama u razvoju i osoba s invaliditetom **Brčko** distrikta Anđe Gajić radionica ima za cilj da se u našoj zajednici sprovedu svi procesi koji bi svim ljudima, uključujući i one sa invaliditetom, omogućili izbor i priliku za samostalan život.

„Cilj je probuditi svijest kod roditelja, kod predstavnika lokalne zajednice da svi ti mladi ljudi sa invaliditetom nezavisno na problem koji imaju mogu samostalno da žive“, istakla je Gajić.

Direktor sarajevske organizacije Sumero Haris Haverić govoreći o značaju ovakvih radionica i poteškoćama sa kojima se roditelji osoba sa invaliditetom susreću kaže da trenutno u **Brčkom** zbog nerazvijenih servisa podrške ne postoji proces prevencije odlaska osoba sa invaliditetom u Zavode i nemogućnost njihovog povratka u zajednicu.

Haverić kaže da treba početi od svijesti građana, i da obaveze trebaju preuzeti institucije koje bi na taj način pomogle da se institucionalno rješavaju problemi koje roditelji imaju, a vezani su za dalji život lica sa invaliditetom i njihovo ravnopravno uključivanje u zajednicu.

Učesnica radionice i majka maloljetnog lica sa posebnim potrebama Milkica Josipović istakla je da su ovakve radionice veoma korisne za sve roditelje rekavši da se i na ovaj način omogućava i pokazuje djeci sa invaliditetom da su korisna ovoj zajednici.

Učesnici druge radionice pozvali su sve roditelje djece sa invaliditetom, a koji imaju probleme, da se priključe ovakvim i sličnim radionicama jer će i na taj način pomoći da se brže prevaziđu predrasude.

Izvor: Radio **Brčko**



Takmičenja u duhu fair play-a na terenima širom BiH

Regionalna takmičenja 12. Plazma Sportskih igara mladih bliže se kraju, a u prethodnom periodu igre su održane u Tuzli, Banovićima, Lukavcu, **Brčkom** i Srebreniku.

Regionalna takmičenja 12. Plazma Sportskih igara mladih bliže se kraju, a u prethodnom periodu Igre su održane u Tuzli, Banovićima, Lukavcu, **Brčkom** i Srebreniku.

U saradnji sa specijalnim partnerom, Olimpijskim komitetom BiH, Igre na terenima promovišu olimpijske vrijednosti kao što su prijateljstvo, poštovanje, izvrsnost i fair play. Ovogodišnja takmičenja u 45 bh. gradova, održavaju se pod pokroviteljstvom Vlade Federacije BiH.

Druženja u Tuzli započela su mrtel Danom sporta pod pokroviteljstvom Ministarstva za kulturu, sport i mlade TK na Trgu slobode gdje su mališani od 1.-5. razreda osnovnih škola sa područja Tuzle i okolnih gradova, uživali u sportsko-zabavnom programu, a najsretniji i najspretniji u atletici i igri između dvije vatre su se okitili medaljama. Druženja su nastavljena regionalnim takmičenjima u nogometu, košarci, odbojci na pijesku i tenisu. Direktna plasman na Veliko finale Igara u Sarajevu, pobjedom u okviru Toyota Cup-a u tenisu ostvarili su Zana Kunasić i Mak Hadžiefendić, a prethodnom pobjedom u šahovskom turniru održanom u Tuzli, na finalu će svoja majstorstva pokazati i Sanjin Čulum, Adin Mandžuka, Maša Babić i Merima Konjić koji će se boriti za plasman na Međunarodno finale Igara koje će biti održano u Splitu.

"Osvojivši Lutrija BiH Cup u šahu u Tuzli ostvarila sam plasman na Veliko finale Igara u Sarajevu i, iako sam svjesna činjenice da će konkurencija biti poprilično jaka, nadam se da ću imati priliku otputovati u Split na Međunarodno takmičenje", istakla je Maša Babić, pobjednica šahovskog turnira.

Pobjednice Elektroprivreda BiH Cup-a u odbojci na pijesku, Lana Halilčević i Almasa Suljić, boriti će se za titulu najboljih u državi na finalnom takmičenju Igara predstavljajući Tuzlu.

Posebna zabava za sve učesnike ali i građane Banovića, održana je na centralnom trgu gdje je više od 1.500 mališana u jutarnjim satima uživalo u Danu sporta i takmičenjima, dok su navečer svi građani ove općine, imali priliku pjevati najveće hitove Crvene jabuke zahvaljujući besplatnom koncertu organizovanom u saradnji sa Općinom Banovići. Igre ove godine ulažu dodatne napore u animiranje što većeg broja djevojčica da se bave sportom i pokažu da u svim sportskim disciplinama mogu biti jednako dobre kao dječaci zahvaljujući saradnji sa UEFA foundation for children. Upravo u Banovićima je, pored takmičenja u košarci i nogometu za dječake, odigran i ženski nogometni turnir, a djevojčice iz ekipe FK Budućnost prištile su

publici sjajne golove.

"Osvojile smo Coca-Cola Cup u nogometu u Banovićima. Iako smo prvobitno došle radi samog druženja, potajno smo se nadale pobjedi i samom plasmanu dalje. Jedva čekamo daljnja druženja", kazala je Asja Husanović, kapitenka ekipe FK Budućnost.

A da su djevojčice uspješne u svim sportovima, pokazuje i ekipa „Dream team“ koja je u Lukavcu osvojila turnir u odbojci.

"Intesa Sanpaolo Banka Cup u Lukavcu je naš! Uspjele smo ostvariti ovu pobjedu i obećavamo da ćemo u nastavku takmičenja svim prisutnima priuštiti odbojkaški spektakl kroz duga nadigravanja i sjajne poene", obećala je Emela Mosorvić u ime ekipe „Dream team“.

Najljepša sportska priča u BiH se nakon Lukavca družila sa djevojčicama i dječacima u **Brčkom**, a kao najuspješniji među najmlađim nogometašima u kategoriji 2011. godište i mlađi u ovom gradu pokazali su se iz ekipe ŠF Šampion.

Trojke i zakucavanja su bila sastavni dio košarkaških takmičenja u Srebreniku, a pobjedničke ekipe se raduju nastavku druženja.

"Osvojili smo Kinder Joy of moving Cup u košarci u Srebreniku i nadamo se pobjedi na polufinalnom takmičenju u Tuzli te plasmanu na Finale", istakao je Eman Hadžić, kapiten pobjedničke ekipe „Henta“ iz Srebrenika.

Pored ekipe „Henta“, na polufinalnom takmičenju u Tuzli, za titulu najboljih i plasman na Finale, borit će se i djevojčice iz ekipe „Bronksi“.

A da Igre nisu samo takmičenja, pokazuju i zabavno-edukativne radionice gdje su dječaci i djevojčice na terenima imali priliku učiti o zaštiti životne sredine sa Fondom za zaštitu okoliša Federacije BiH i kroz projekat „Zero Waste - budi dio igre, čuvajmo našu planetu“ koji Igre sprovode u saradnji sa kompanijom Coca-Cola.

otisak.ba



Još tri dana za prijave na ovogodišnji Marš mira

Klub prijatelja Srebrenice i Podrinja i ove godine organizuje odlazak na „Marš mira Nezuk-Potočari“ u spomen na nevino ubijene u genocidu u Srebrenici, koji će se održati od 08.07. do 11.07. ove godine.

Takođe, biće i održana Mirna šetnja iz Gornjeg Rahića do **Brčkog** na dan sjećanja na genocid, 11.07.2021. te prigodan program u centru grada.

Prijave za Marš mira su moguće putem vibera na broj 062001990 te putem linka <https://docs.google.com/forms/d/12rgD93CS3MQ4bmoAtRj8xm-JH3L2G7fPRSiivKkM0M/edit>

Organizator, Klub prijatelja Srebrenice i Podrinja, će organizovati odlazak autobusom iz **Brčkog** do Nezuka u četvrtak 08.07, hranu, logističku podršku te povratak 11.07. iz Potočara u **Brčko**.

Svi zainteresovani za Marš mira se mogu prijaviti najkasnije do 01.07. u 18h kada će spisak učesnika biti poslan glavnom organizatoru u Srebrenicu.

Mole se svi zainteresovani učesnici da poštuju pravila Marša mira, te da se za sve dodatne informacije obrate na broj 062 001 990

Za one koji nisu u mogućnosti da idu na Marš mira, organizator je organizovao Mirnu šetnju za Srebrenicu, koja će krenuti u ponedjeljak, 11.07. sa šehidskog mezarja u Gornjem Rahiću te se kretati ka gradu nakon čega će na Trgu mladih biti organizovan prigodan program.

U toku maršrute prema gradu, organizator se pobrinuo i za osveženje.

otisak.ba



U **Brčkom** počeo upis učenika u srednje škole, za deficitarna zanimanja stipendija od 100 maraka

Šef Pododjeljenja za srednje obrazovanje **Vlade Brčko distrikta** Bosne i Hercegovine Slavoljub Bašić rekao je da je od danas počeo upis učenika u srednje škole za 2022/2023. godinu.

Upis će trajati tri dana i vršit će se bez prijemnog ispita. Planom je predviđen upis 880 učenika u 44 odjeljenja u četiri srednje škole u **Brčkom**. To znači, da bi u jednom odjeljenju trebalo da bude po 20 učenika. Osnovnu školu na području Distrikta ove godine je završilo 666 učenika.

Za buduće učenike srednjih škola ovo predstavlja važan dan.

Lamija Čandić, kaže da se odlučila za smjer geodetski tehničar, a Adna Bešić opredijelila se za tehničara drumskog smijera u brčanskoj Tehničkoj školi.

Veliku zainteresovanost kod budućih učenika privukla su deficitarna zanimanja u **Brčkom**, za koja će po prvi put od naredne školske godine biti obezbjeđena stipendija u visini od 100 KM.

Prema riječima Bašića, ove godine bi moglo doći do preusnjeravanja učenika ukoliko odjeljenja ne budu pravilno popunjena.

Upis u brčanske srednje škole trajat će do srijede 29. juna.

Rdiobrcko.ba//Otisak.ba

otisak.ba



U Gornjoj Maoči/Karavlasima porušeni nadgrobni spomenici /FOTO

Komentar:

Komentar:

Molimo Vas unesite komentar

Ime:*

Ime:*

Molimo Vas unesite Vaše ime ovdje

Email:*

Unijeli ste nevažeću email adresu

Molimo Vas unesite Vašu email adresu ovdje

Vebsajt:

☐ Save my name, email, and website in this browser for the next time I comment.

Captcha

÷ one = seven

Brčko: Počeo upis učenika u srednje škole



Šef Pododjeljenja za srednje obrazovanje **Vlade Brčko distrikta** Slavoljub Bašić rekao je da je od danas počeo upis učenika u srednje škole za 2022/2023. godinu.

Brčko: Župni zbor Presvetog Srca Isusova realizuje projekt "Radujte se s nama" (FOTO)



U sklopu projekta „Radujte se s nama“, kojega je podržala **Vlada Brčko distrikta BiH**, mlada ekipa župe Presvetog Srca Isusova je, u nedjelju 26. lipnja gostovala u Župi Čajdraš kod Zenice. Mlade snage Župnog zbora Presvetog Srca Isusova animirale su liturgijsko slavlje nakon kojeg su imali kratak koncert i predstavljanje župe i grada **Brčkog**.

Država: Bosna i Hercegovina

Doseg:

Indeks

Trajanje: 02:00


(pogledaj)

1 / 1

Problemi mladih u Brčkom



Izložba u Brčkom



Telegram saučešća povodom smrti fra Mirka Jozića



Povodom smrti uglednog brčanskog i bosanskohercegovačkog franjevca, fra Mirka Jozića, u ime **Vlade Brčko distrikta BiH** upućujemo izraze najdubljeg saučešća njegovim srodstvenicima i župljanima, svim franjevcima u Bosni i Hercegovini. Vijest o iznenadnoj smrti fra Mirka Jozića, teologa, filozofa i donedavnog predsjednika Hrvatskog kulturnog društva „Napredak“ u **Brčkom**, pogodila je sve ljude koji su poznavali ovog velikog čovjeka.

Imali smo priliku da se sa ovim uglednim svećenikom i filozofom družimo i sarađujemo. Njegova širina i blagost kojom je zračio ostat će zauvijek u našem sjećanju. Ovaj ugledni svećenik i kulturni i javni radnik među nama Brčacima također će biti upamćen kao čovjek koji se zalagao za njegovanje kulture dijaloga, međusobnog razumijevanja drugog i drugačijeg. Vrlo često je naglašavao da takav napor vrijedi učiniti jer to vodi ka unapređenju i razvoju društva, kulturnom oplođivanju, a ne njegovoj dekadenciji.

Ovaj poznati franjevac rođen je 1947.godine u Donjem Vukšiću kod **Brčkog**. Osnovnu školu završio je u Ulicama i Bukviku, a gimnaziju u Visokom. Uz svećenički poziv uporedo je studirao i bavio se naukom. Teološki fakultet završio je u Ljubljani, Filozofski fakultet u Sarajevu, a doktorirao je filozofiju 1986. u Minhenu.

Bio je svećenik u Tuzli, profesor u gimnaziji u Visokom, te na Franjevačkoj teologiji u Sarajevu, ali i gostujući profesor na više evropskih univerziteta. U zavičaj se vratio 2012.godine kao župni vikar u Dubravama gdje je službovao do 2016. godine i vikar u Zoviku od 2016.do smrti.

Široj brčanskoj javnosti ostat će upamćen kao predsjednik Hrvatskog kulturnog društva Napredak, Podružnica Brko, u razdoblju od 2018. do maja 2022.godine.

Još jednom izražavamo saučešće svima koji su poznavali i cijenili fra Mirka Jozića.

Vijeće mladih **Brčko** upriličilo sastanak sa predstavnicima zakonodavne i izvršne vlasti **Brčko** distrikta



Vijeće mladih **Brčko** distrikta danas je u Skupštini **Brčko** distrikta upriličilo završni događaj u sklopu ovogodišnjih Susreta mladih pod simboličnim nazivom „Mladi pitaju“. Sastanku su bili prisutni i predstavnici izvršne i zakonodavne vlasti **Brčko** distrikta.



Supružnici Jasmina i Nazif Čivić zasadili 4000 sadnica američke sorte duke

Mnogi će, umjesto 100 KM na dan, po borovnicu radije u šumu



BOROVNICE zahtijevaju mnogo posla i radne snage, što je na ovim prostorima glavni problem, a posebno u jeku berbe kada plod treba ubrati na vrijeme, kaže proizvođač Čivić

R. I.

Posljednjih nekoliko godina borovnica i u BiH spada među najprofitabilnije voćarske kulture. Vrlo je zahtjevnica kada je u pitanju reakcija zemljišta, odnosno kisela pH reakcija.

Mnogo posla

Supružnici Jasmina i Nazif Čivić iz Voljevice kod Bratunca na svom plodnom imanju na samoj lijevoj obali rijeke Drine uzgajaju je na površini od 10 dula, piše agrokub.ba. Prije pet godina tu su zasadili 4000 sadnica borovnice, američke sorte duke. Nabavljali su ih tada po cijeni od sedam maraka. To je, inače, najpopularnija rana sorta američke visokožbunaste borovnice na našem području. Cvjeta kasno pa izbjegne opasnosti od mraze-

va, a na berbu prispijeva rano. U moderan sustav navodnjavanja i ostalo uređenje plantaže uložili su velika sredstva, no sve se isplatilo jer su sada među pet najuspješnijih proizvođača ovog voća u Podrinju pa i šire. - Borovnice zahtijevaju mnogo posla i radne snage, što je na ovim prostorima glavni problem, a posebno u jeku berbe kada plod treba ubrati na vrijeme. Vrijeme berbe ove američke sorte poklapa se s berbom maline i šumske borovnice na ovim prostorima pa je uz dobru dnevnicu, hranu i prijevoz, teško naći berače i imati lijepo vrijeme za berbu - ističe Nazif za Agrokub.

Iako je po planinskim vrletima teže brati šumsku, nego na čistoj livadi, sjedeći, ubirati krupniju borovnicu i zaraditi dnevnicu od 100 KM, mnogi berači radije idu u šumu. U prirodi oni iskusi- niji ubere više od 10 kilograma

šumske borovnice i odmah je prodaju po cijeni od 15 do 20 KM po kilogramu. Osim radne snage, proizvođači se suočavaju i s problemom prodaje svojih plodova. Ove godine vlastitim sredstvima ovaj proizvođač planira izgraditi mini hladnjaču. Sorta koju uzga-

ja inače je vrlo rodna, plodovi su krupni i kvalitetni. Dobra je i za svježju konzumaciju kao i prerađivanje. - Prema ovogodišnjem kvalitetnom rodu, planiram ubrati više od tri tone borovnice. U BiH je malo otkupljivača pitome borovnice, a nemam pravo na poticajna sredstva od Vlade RS-a - kaže ovaj proizvođač borovnice.

Od ranog proljeća

Od ranog proljeća Jasmina i Nazif počinju potragu za kupcem proizvoda. Prije nekoliko godina imali su pouzdanog partnera iz Visokog, dok su lani borovnice vozili u Brčko. Ove godine imaju dogovor s kupcem iz Živinica, ali još nisu uskladili cijenu. Nažalost, kaže Čivić, malo je zainteresiranih za proizvodnju američke sorte borovnice u Podrinju i šire jer mnogi ne mogu priuštiti sredstva za formiranje plantaža koje iziskuju velika ulaganja i trud. ●

U MODERAN sustav navodnjavanja i uređenje plantaže uložili su mnogo, no sve se isplatilo

otisak.ba



Nevolje Rize Krake iz Brčkog, dobio donaciju za popravak kuće, pa mu sad, od penzije, odbijaju rate. Nadležni šute /FOTO

Da je sve moguće u Brčkom pokazuje i primjer Rize Krake iz ovoga grada koji, prema presudi lokalnog Suda, prema njegovoj tvrdnji mora vratiti donaciju za popravak porodične kuće u naselju Meraje u iznosu od 10.000KM.

On se javio redakciji Otiska i njegov tekst, uz minimalne korekcije prenosimo u cijelosti:

-Zovem se Rizo Krako rođen sam 1959.godine u Brčkom. Živim u naselju Meraje u kući za koju sam dobio donaciju i u kojoj živim cijeli život uz izuzetak ratnog perioda kada sam bio u izbjeglištvu kao i većina Brčaka. Rješenje za povratak sam dobio 2000 godine majstori su mi osposobili kuću za stanovanje i doselio sam se 31.03.2001. od tada tražim donaciju koju sam dobio 2010. godine sada mi je kuća jedna od najljepših na Merajama. Iz nekog, meni ne poznatog razloga Sud mi je blokirao račun u banci i evo od marta 2021.godine mi odbijaju rate za donaciju koju sam dobio za rekonstrukciju kuće iako sam cijelu donaciju uložio u kuću- napisao je Krako.



Kuća za koju je Krako dobio donaciju koju sada vraća

On je napomenuo da je 2015. godine imao moždani udar, koji je prouzrokovao otkazivanje desne ruke i noge.

U težnji da od nadležnih saznamo zbog čega se sve ovo dogđa uputili smo pitanja, no odgovor nismo dobili iako prošlo 19 dana od našeg upita.

Upit Otisak ➤

**otisak.ba** <otisak.ba@gmail.com>

prima aida.lovic, adnan.murselovic ▼

čet, 9. lip 08:04



Poštovani,

Redakciji Otiska javio se Rizo Krako iz naselja Meraje koji tvrdi da je dobio donaciju za rekonstrukciju porodične kuće, te da je, prema tvrdnjama, cijelokupnu donaciju iskoristio za tu namjenu, međutim dogodila se presuda Suda i sad mu se od penzije odbijaju reta, a sve u svrhu naplate doniranih sredstava.

Molim Vas da mi odgovorite:

1. Zbog čega se Kraki odbijaju sredstva za donaciju?
2. Na osnovu čega, odnosno da li je nadležni Odjel Vlade istog tužio za povrat sredstava i ako jeste koji je razlog za taj potez?


s poštovanjem

Kristina Bilić

Na pitanja nema odgovora ni nakon 19 dana

F.M.//Otisak.ba

otisak.ba



Građani **Brčkog** mogu aplicirati za turističke vaučere /VIDEO

Obavještavamo sve građane **Brčko** distrikta Bosne i Hercegovine, koji imaju entitetsko državljanstvo Federacije Bosne i Hercegovine, da na osnovu odluke Vlade Federacije Bosne i Hercegovine imaju pravo aplicirati za turističke vaučere.

Vlada Federacije Bosne i Hercegovine donijela odluku da podijeli dva miliona KM vaučera u vrijednosti po 200 KM po vaučeru, koji se mogu iskoristiti za turističke destinacije u Bosni i Hercegovini.

Otisak.ba

otisak.ba



„Radujte se s nama“ /FOTO

U sklopu projekta „Radujte se s nama“, kojega je podržala **Vlada Brčko distrikta** Bosne i Hercegovine, mlada ekipa župe Presvetog Srca Isusova je, u nedjelju 26. lipnja gostovala u Župi Čajdraš kod Zenice.

Mlade snage Župnog zbora Presvetog Srca Isusova animirale su liturgijsko slavlje nakon kojeg su imali kratak koncert i predstavljanje župe i grada **Brčkog**.

U opuštеноj atmosferi, uz domaćina vlč. Josipa Šimunovića, prezentirane su prirodne i kulturne znamenitosti Distrikta te način djelovanja i života u njemu.

Mladi našega zbora su se upoznali s mladima župe Čajdraš i rodila se ideja da mladi iz Čajdraša na jesen posjete našu župu u **Brčkom**. Nadamo se da će se iz ovoga susreta roditi nova lijepa prijateljstva.

„Ovim nastupom/putovanjem zaključujemo naš projekt „Radujte se s nama“ i zahvaljujemo se **Vladi Brčko Distrikta** što je prepoznala potencijal našega projekta i pružila nam podršku.





Kroz realizaciju ovoga projekta, mladi su aktivno vježbali, dolazili redovno na probe, imali nastupe kako u **Brčkom**, tako i u drugim dijelovima Bosne te jedan nastup u Hrvatskoj. Mladima kroz ovaj projekt ponudili alternativu „online druženjima“. Nadamo se, da smo kroz ovaj naš projekt, predstavili našu župu, grad i Distrikt u najljepšem svjetlu.“

Otisak.ba



Predsjedništvo HDZ-a BiH utvrđuje kandidatske liste za Opće izbore 2022.

U Domu HDZ-a BiH u Mostaru se danas, 28. lipnja 2022., s početkom u 11 sati, održava 34. proširena sjednica Predsjedništva Hrvatske demokratske zajednice (HDZ) BiH, kojoj će, osim članova stranačkog Predsjedništva, nazočiti i predsjednici županijskih i regionalnih odbora te organizacije HDZ-a BiH za **Brčko** Distrikt BiH. Kako je najavljeno, na proširenoj će sjednici Predsjedništvo HDZ-a BiH uraditi postupak utvrđivanja kandidatskih listi HDZ-a BiH za Opće izbore 2022.





GODINAMA NIKO NE ANALIZIRA IZBORNE JEDINICE

POSLANIČKI MANDAT I DALJE NE VREDI ISTO U CELOJ RS

I idući opšti izbori održaće se sa neujednačenom „cenom“ poslaničkog mandata u odnosu na broj glasača. Na jedan mandat u Narodnoj skupštini dolazi 20.868 glasača u drugoj, gradiškoj izbornoj jedinici i 15.560 glasača u devetoj, trebinjskoj izbornoj jedinici. A u obe se bira se po sedam narodnih poslanika.




Foto: S. Pašalić

Sve tri jedinice iz RS za Predstavnički dom BiH daju po tri direktna poslanička amdata, a broj glasača u njima je od 266.234 do 569.947.

vredi glas svakog birača. Kada je u pitanju nivo BiH, nikada PS BiH nije ispunila tu svoju zakonsku obavezu. To nije učinio ni Parlament Federacije BiH. Jedini koji su davno napravili procenu bila je Narodna skupština, koja je povećala broj izbornih jedinica kada je u pitanju NSRS. Neprihvatljiva je pojava da neko mora da osvoji 10.000 glasova da bi, na primer, ušao u PS BiH, a neko 20.000 glasova – kaže Šehić za „EuroBlic“.

Prva izborna jedinica za NSRS (prijedorska) ima upisanih 146.909 glasača i daje sedam direktnih poslaničkih mandata. Izborna jedinica dva (Gradiška) broji 146.080 birača takode za sedam poslanika, jedinica tri (banjalučka) daje 12 poslanika sa 276.958 glasača. Četvrta jedinica (Derventa, Brod, Vukosavlje i Modriča) broji 84.879 glasača na četiri poslanika, peta jedinica (Doboj, Petrovo i Teslić) bira šest poslanika na 121.863 glasača upisana u Centralni birački spisak. Šesta jedinica, koju čine Šamac, Donji Žabar, Pelagicevo, Bijeljina, Lopare, Ugljevik i Brčko distrikt, bira devet poslanika i ima 188.890 glasača. U sedmoj jedinici (Osmaci, Zvornik, Šekovići, Vlasenica, Bratunac, Srebrenica i Milići) bira se sedam poslanika na 117.331 glasača, u osmoj (sarajevsko-romanjska regija) biraju se četiri poslanika sa 69.983 glasača, dok deveta izborna jedinica, koja obuhvata Hercegovinu, bira sedam poslanika na 108.920 glasača. U Narodnu skupštinu ulazi još i 20 poslanika sa kompenzacionim lista. **S. POPADIĆ ■**

CENTRALNA IZBORNA KOMISIJA BiH zaključila je centralni birački spisak sa stanjem na dan 3. maj 2022. Taj spisak sadrži ukupan broj glasača po izbornim jedinicama za svaku od funkcija koje se direktno biraju na izborima: poslanici u NSRS i Predstavničkom domu BiH, član Predsedništva BiH i predsjednik potpredsjednici RS.

Drastična razlika u veličini izbornih jedinica i dalje je vidljiva na izborima za poslaničke mandate.

Primeru radi, za Parlamentarnu skupštinu BiH Republika Srpska je podijeljena u tri jedinice od kojih svaka bira po tri direktna poslanika, a na listama može da bude po osam imena. Međutim, izborna jedinica jedan, kojoj je centar Banja Luka, ima 569.947 upisanih glasača, izborna jedinica dva (Bijeljina, Doboj, Derventa...) sadrži 395.632 glasača,

a treća jedinica (od Bratunca do Trebinja) 296.234. Slično je i u FBiH. Kompenzacioni mandati donekle poprave stvari, ali je i dalje primetna neproporcija broja glasača i mandata.

Narodna skupština RRS na predlog nadležnog skupštinskog radnog tela svake četiri godine preispituje izborne jedinice i broj mandata dodeljenih svakoj jedinici utvrdjenih izbornim zakonima, da bi se obezbedio princip geografskog ograničenja, zasnovan na demokratskim principima, a naročito na principu proporcionalnosti između broja mandata i broja registrovanih birača – piše u članu 39a Izbornog zakona Srpske.

Odbor za politički sistem, pravosuđe i upravu Narodne skupštine RS je nadležan i za „političko organizovanje i udruživanje građana, verske zajednice, izborni sistem i referendum“.

Međutim, predsjednik tog odbora, Dragan Cavić, i jedan od članova, Ljubiša Krnić, potvrdili su nam da se ova tema u aktuelnom mandatu nije našla na njihovo dnevnom redu. Poslednji put NSRS je Izborni zakon RS menjala u mandatu od 2010. do 2014. godine. Odnosno, saziv iz 2014. bio je prvi koji je imao devet umesto dotadašnjih šest jedinica za Narodnu skupštinu.

Vehid Šehić iz Koalicije za fer i poštene izbore „Pod lupom“, kaže da i ova tema pokazuje neodgovornost vlasti u BiH. Naglašava da se radi o diskriminaciji prema glasačima, što nije prema Ustavu i da je možda vreme da neko pokrene apelaciju pred Ustavnim sudom BiH.

U Izbornom zakonu jasno stoji da svake četiri godine, posle izbora, predstavničko tela mora analizirati da li približno isto

KRNIĆ: NE REŠAVA PROBLEM KUPOVINE

Ljubiša Krnić je mišljenja da bi trebalo ujednačiti broj mandata sa brojem glasača u svakoj izbornoj jedinici, ali ističe da to ne rešava mnogo veći problem. A to je, kako tvrdi, masovna kupovina glasova za narodne poslanike, kao i kupovina poslanika kada uđu u parlament.

–To ne odražava stvarnu vrednost čoveka koji se nalazi na listi za poslanika, nego je pitanje koliko je ljudi zaposleno u elektro-energetskom sektoru, koliko je novca podeljeno u izbornoj kampanji, koliko je podeljeno građevinskih paketa, poljoprivrednih mašina... Onaj ko je na vlasti, nažalost, tako dolazi do mandata. U NSRS je 2018. ušlo sedam političkih subjekata, a sada ih ima deset. Pa neće valjda neko reći da mu se odjednom ne sviđa politika stranke kojoj je pripadao do juče, a sada mu se sviđa politika SNSD, SP ili NPS. Taj problem hitno treba rešiti – zaključuje Krnić.





Povorka i performans u raljama politike

Težnje ka cenzuri su opasne, a političari ne mogu određivati granicu umjetnosti

Piše: **MATEA JERKOVIĆ**

Treća bh. Povorka ponosa, a potom i performans ispred Narodnog pozorišta Sarajevo, poslužili su kao platforma za predizbornoj kampanji. Mahir Dević, šef Kluba SDA u Skupštini Kantona Sarajevo, smatra da je Dino Mustafić, direktor NP-a, odgovoran za performans, a Vladu KS-a pita zašto nije pokrenula njegovu smjenu. Naglasio je i da lično ne podržava organizaciju "Parade na ovaj način", jer ona "nije u skladu sa Božijim zakonima" koji su "iznad svih ljudskih zakona".

Mustafić ističe da, kao umjetnik i direktor NP-a, nikada ne može pristati da političari bilo koje političke opcije određuju šta je prava umjetnost, gdje su njene granice i da povodom jednog performansa dijele građane "na oni i mi, šta sljedeće njima, a šta nama".

- Ne razumijem taj jezik, ma koliko znam da je to sve i predizbornoj kampanja, ali i vrlo opasna tendencija cenzure, koji danas smjenjuje nekog direktora pozorišta, a sutra zatvara to isto pozorište ili uređuje program. Posebno je nonsens tražiti odgovornost za gostujući program koji nije produkcijski niti sadržajno vezan za našu kuću, jer mi igramo na Trgu naše predstave i koncerte koje kreiramo i autorski potpisujemo kao NP Sarajevo, rekao je Mustafić. / STR. 4. i 5, 26. i 27.

Javni moral u službi kampanje

Iako institucije EU traže da instance vlasti svih nivoa usklade Zakon o javnim okupljanjima sa standardima EU, domaći političari žele nova ograničenja

Piše: **MATEA JERKOVIĆ**

Proteklih dana u Kantonu Sarajevo svjedočimo političkim obračunima u čijem fokusu je performans ispred Narodnog pozorišta Sarajevo u organizaciji Art Festival Zvrk, a zapravo Treća bosanskohercegovačka Povorka ponosa, koji su održani u subotu. Kantonalni odbor SDA Sarajevo jučer je ispred Pozorišta održao konferenciju za novinare, sa koje je Mahir Dević, šef Kluba SDA u Skupštini KS-a, poručio da je "trenutna vlast potpuno nesposobna da zaštiti ustavnopravni poredak građana u KS-u i da ona svojim djelovanjem, odnosno nedjelovanjem, vrši diskriminaciju građana".

Relativno pravo?

- Kakve su to sigurnosne procjene MUP-a KS-u u kojima kažu da je potrebno da se angažira 1.100 policajaca u KS-a, da seablokiraju 52 ulice u strogom centru grada, da se paralizira život potpuno taj dan, upitao je Dević.

Naglasio je da "SDA nije homofobna stranka i ne zagovara uskraćivanje bilo kakvih ljudskih prava". Haris Zahiragić, zastupnik SDA u Skupštini KS-a, ponovio je kako je performans "organizacija sodomije".

- Odgovornost je na Ministarstvu kulture, a ukoliko nije na njemu, onda je odgovornost isključivo na direktoru Narodnog pozorišta Sarajevo, rekao je Zahiragić i dodao da je "Sarajevo centar umjetnosti, filma, modernih umjetnosti, ali da javni prostor nije, niti može biti, mjesto za sodomiju i gomoru".

Osvrnuo se i na Povorku i naglasio da kada je SDA bila na vlasti, "parada nikakve vrste gdje se blokiraju 52 ulice nije organizovana".

- Da li je sloboda okupljanja ustavno pravo, svakako jeste. Da li je to ustavno pravo apsolutno - nije, ono je relativno, moguće ga je ograničiti kada postoje razlozi javne sigurnosti, javnog morala, rekao je Zahiragić.

A iz Službe za stambene i komunalne poslove Općine Centar za naš list su rekli da se "do momenta održavanja konferencije ispred NPS-a SDA nije obratila Općini Centar sa zahtjevom za korištenje javne površine". Toliko o procedurama i poštivanju.

Nedavno je i Elmedin Konaković, lider Naroda i pravde, na Facebooku napisao da "klubovi NiP-a u Skupštini KS-a pokreću inicijativu za donošenje propisa kojim će se dodatno precizirati prostor za javna okupljanja u KS-u".

"Lokacije za javna okupljanja bit će definisane u zonama u kojim ne dolazi do ugrožavanja prava i sloboda drugih lica, zdravlja ljudi, sigurnosti ljudi i imovine i ometanja javnog saobraćaja, a u skladu sa Zakonom o javnom okupljanju u KS-u", naveo je Konaković.

Upravo je uoči Povorku u fokusu bilo pitanje Zakona o javnom okupljanju u KS-u. Podsjećamo, OSCE, ODIHR i Venecijanska komisija Vijeća Evrope u decembru 2019. izvršili su analizu i izdali zajedničko

mišljenje, koje se odnosi na neusklađenost Zakona u KS-u sa evropskim standardima.

Govor mržnje

- U mišljenju se poziva na raniju analizu zakona u KS-u (iz 2010) i ponavljaju se njegove glavne preporuke koje se odnose na tri ključna principa, uključujući pretpostavku u korist održavanja mirnih okupljanja, dužnost zaštite mirnih okupljanja i proporcionalnost, koje nisu implementirane, rečeno nam je iz ureda Misije sredinom juna.

Napomenuli su i da je jedino Brčko distrikt 2020. usvojio zakon koji je u potpunosti usklađen sa evropskim standardima.

U međuvremenu, Edin Forto, premijer KS-a, sastao se s reisul-ulemom Huseinom ef. Kavazovićem.

- Duboko sam uvjeren da u BiH ne smije biti prisile na izbor između individualnih i kolektivnih sloboda. Govor mržnje je opasnost po sve te slobode i moramo ga odstraniti iz javnog prostora. Islamsku zajednicu i uvaženog reisul-ulemu u tom procesu vidim kao iskrene partnere. To, istovremeno, znači i partnerstvo na evropskom putu BiH, navedeno je u saopštenju Naše stranke nakon sastanka.

Da li je normalno da se Vlada zadužuje 345 miliona a da za organizaciju tri povorke potroši oko milion i 200 hiljada KM, upitao je Dević ne nudeći argumente

Kolektivne slobode, uključujući i vjerske, jednako su zakonom zagarantovane kao i individualne, kaže Forto



Edin Forto i reisu-l-ulema Husein ef. Kavazović na sastanku / NS



Haris Zahiragić: Performans je organizacija sodomije / DIDIER TORCHE

Crne trojke javnog i morala

Korištenje obnaženog tijela kao sredstva prenošenja umjetničke poruke nije nikada čin pukog egzibicionizma, već način da se javnosti skrene pažnja na poruku koja se umjetnošću želi prenijeti

Piše: **DORĐE KRAJIŠNIK**

Prije više od četrdeset godina čuveni konceptualni umjetnik Tomislav Gotovac izveo je na ulicama Zagreba svoj performans "Zagreb, volim te". Uvijek provokativni Gotovac, koji je pomjerio granice umjetnosti, tada je potpuno nag prošetao zagrebačkim ulicama. Danas se taj Gotovčev artistski čin smatra jednim od najvažnijih umjetničkih događaja koji je pomjerio granice performativne umjetnosti u Jugoslaviji. Pitanje korištenja tijela, odnosno njegove obnaženosti kao umjetničkog medija u artistskom izričaju, nije ništa novo i nepoznato. Takvi činovi obično su, ma koliko naizgled bili provokativni, duboko promišljeni umjetnički potezi, kojima se javnosti želi prenijeti jasno artikulirana poruka. Drugim riječima, korištenje obnaženog tijela kao sredstva prenošenja umjetničke poruke nije nikada čin pukog egzibicionizma, već način da se javnosti skrene pažnja na poruku koja se umjetnošću želi prenijeti.

Šta znači biti zajedno

Otuda, performans "Together" slovenačkih umjetnika Leje Jurišić i Marka Mandića, koji je u proteklu subotu izveden na Trgu Susan Sonntag, ispred Narodnog pozorišta u Sarajevu, a koji je navodno do te mjere konsternirao pravovjernu i moralno-ljubivu sarajevsku javnost, jer je glumac "šetao" nag po trgu i "uznemiravao" gospođe, sam po sebi ne predstavlja bilo šta skardno, usmjereno na vrijeđanje javnosti, građana i njihovih religijskih ubjeđenja, već je to umjetnički čin koji vrlo jasno artikulira sebi imanentnu poruku. Prema pisanju relevantnih medija, "To-



Vrhunski dvojac Jurišić - Mandić

gether" je jedan od najvažnijih scen- skih umjetničkih događaja koji se u Sloveniji odvijao u posljednjem desetljeću, a to potvrđuju i brojne nagrade u evropskom kontekstu koje je ovo umjetničko djelo dobilo.

- Vrhunski dvojac Jurišić - Mandić, u suradnji s redateljem Bojanom Jablanovcem i spisateljicom Semirom Osmanagić, bavi se vječnim idealom


Prema pisanju relevantnih medija, "Together" je jedan od najvažnijih scenskih umjetničkih događaja koji se u Sloveniji odvijao u posljednjem desetljeću

izvedbenih umjetnosti i vječno nerješivim pitanjem politike: što znači biti zajedno i kako trebamo biti zajedno? "Together" se može čitati u vrlo različitim prostornim i vremen- skim dimenzijama, fizičkim i mental- nim prostorima. U projektu izvođač- kog dvojca Jurišić - Mandić riječ je o upečatljivom konceptualno-meto- dološkom fokusu, usmjerenom na odgovor na pitanje što znači biti za- jedno i kako biti zajedno, navedeno je o ovom umjetničkom djelu.

To što je u Sarajevu ovaj perfor- mans izazvao toliku buku, predstavl- ja prije svega nemogućnost Saraje- va kao urbane sredine da jednom ja- sno povuče demarkacionu liniju da li je ovo sekularni grad ili grad koji se ravna prema religijskom čudoređu. Dakako, činjenica da se pitanje reli- gijskog poimanja morala ispostavlja kao jedina vizura gledanja na umjet- nost, te da se ovaj performans koristi kako bi se napala treća Povorka po-

nosa, koja je istog dana održana u Sarajevu, teme su koje otvaraju niz važnih rasprava o Sarajevu kao gradu i njegovim dosezima u pogledu ljudskih i umjetničkih sloboda.

A gdje smo zaista sa tim slobodama, najbolje potvrđuje stav direktorice Internacionalnog Art Festivala "Zvrk" Jasmine Prolić, koja je organizatorica ovog događaja. U svom saopštenju javnosti ona je navela da kao umjetnička direktorica ovog festivala želi "javno i duboko da se izvini svim građankama i građanima Sarajeva". Da stvar bude tragičnija, ona javno priznaje kako je performans u Sarajevo dovela bez da je znala šta je njegov sadržaj. Ovaj čin organizatorice Prolić jedan je sramotan čin neprofesionalnosti i nesposobnosti da se jasno stane iza sadržaja Festivala koji se organizuje. A to je slika i prilika sarajevske kulture danas. Sa druge strane, izvinjenje koje je upućeno, a pod pritiskom moralne policije koju kantonalni zastupnik Haris Zahiragić vodi po ulicama glavnog grada, obezvređivanje je umjetnosti, umjetnika i svih njihovih sloboda. Javno se ograđujući od događaja koji je sama organizovala sa svojim timom, Prolić, bez ikakve sumnje, pristaje na tezu da je



Višestruko nagrađivani umjetnički čin

Izvinjenje koje je upućeno obezvređivanje je umjetnosti, umjetnika i svih njihovih sloboda

ovaj performans bio "neprimjerena umjetnost".

Neprikladna umjetnost

Sintagma "neprikladna umjetnost", koju su Zahiragić i jurišnici utemeljili kao svoj program, predstavlja kulturasiističko progonjenje svega onoga što se ne uklapa u vizure pravo-

vjerno-moralnog viđenja svijeta koje nam se želi ispostaviti kao jedini zakon o javnom ponašanju i manifestiranju. Tamo gdje se ljudsko tijelo progoni, tamo gdje se nago ljudsko tijelo označava kao skardno, kao grešno i vulgarno, nastupio je mrak i ono što nakon toga obično slijedi jeste nasilje i fizičko nasrtanje na integritet svakog tijela i svake umjetnosti koja se ne povinuje pravilima. A umjetnost koja popusti pred ovako brutalnim pritiskom suštinski nema više status umjetnosti, jer iznevjerava temeljne postulate o slobodi i nenarušivosti umjetničke slobode. Umjetnost je uvijek i u svakom slučaju čin otpora i suprotstavljanja svakoj zabrani i svakom politički motiviranom nasilju i pritisku.

Šta nam na koncu pokazuje stav organizatora Internacionalnog Art Festivala "Zvrk"? Prije svega, poraz umjetničke slobode pred političkim nasiljem, a zatim pristajanje na propisane dosege umjetnosti koje nameću navodni čuvari javnog morala. To što se ovaj festival javno ispričao za događaj koji je organizovao, direktno je pristajanje na tezu Harisa Zahiragića da postoje "normalne" umjetnosti, koje su kao za njega prihvatljive, i ove "nenormalne" koje za njega kao nisu prihvatljive. Zato, uzgredno pitanje: da li bi reakcije bile iste da je Trgom šetala naga žena? Tamo gdje jedno polupismeno, ostrašćeno lice određuje krivulju umjetničkog rada, svaka umjetnost i svaka sloboda je davno umukla. Otuda, Zahiragićeva prijetnja da će u gradu Sarajevu "aktivno pratiti svaku manifestaciju" i da "nijednu neće propustiti" znači samo jedno, ko se usudi izaći iz njegovih moralnih okvira, mogao bi ga pojesti zeleni mrak čudoređa. Laka vam noć, umjetnici.



Upečatljiv konceptualno-metodološki fokus



Bijeljina naneo povrede Brčaku



Brčak N. M. (18) je prijavio policiji da ga je u ugoštiteljskom objektu jedna osoba fizički napala i nanijela mu povrede koje su mu sanirane u Službi hitne pomoći. Odmah nakon prijave službenici policije distrikta **Brčko** su obavili uviđaj pod nadzorom dežurnog tužioca Tužilaštva distrikta **Brčko**. Zbog sumnje da je počinio krivična djela ugrožavanje sigurnosti i teška tjelesna povreda, uhapšen je N. K. (23) iz Bijeljine.



Cinema italiano

Projekcijom filma "U kavezu" Leonarda di Costanza u Sarajevu, te drame "Sinesteziya" Erika Bernasconija u Tuzli, Ambasada Italije svečano je otvorila Dane italijanskog filma u BiH.

- Dani italijanskog filma predstavljaju jedan od naših događaja kulturne promocije, za bosanskohercegovačku javnost, tradicionalno najomiljenijih, kaže ambasador Italije Marco di Ruzza.

On je istaknuo da ovogodišnja manifestacija bilježi dodatnu vrijednost projekta, jer je proširen broj uključenih gradova, s distriktom Brčko i Zenicom, koji će se pridružiti

Sarajevu, Mostaru, Banjoj Luci i Tuzli.

- Našom revijom želimo simbolično izgraditi most ka tradicionalnoj, filmskoj ljetnoj sezoni Sarajeva, periodu izvanredno intenzivnom i dinamičnom za prijestolnicu, u koju pristižu reditelji i akteri iz cijele regije i mnogobrojnih zemalja. Italija se tako potvrđuje prvorazrednim kinematografskim partnerom za Bosnu i Hercegovinu, njen film, nje-nu publiku, ističe Di Ruzza.

Izdanje za 2022. Dana italijanskog filma u BiH donosi selekciju komedija, drama i dokumentarnog filma, filmova dugog i kratkog metra.

N. S.



Sportske igre mladih nastavile put po Bosni i Hercegovini

U saradnji sa specijalnim partnerom - Olimpijskim komitetom BiH, Igre na terenima promovišu olimpijske vrijednosti kao što su prijateljstvo, poštovanje, izvrsnost i fair play

Piše: **ZLATKO ŠARIĆ**

Regionalna takmičenja 12. Plazma Sportskih igara mladih bliže se kraju, a u prethodnom periodu Igre su održane u Tuzli, Banovićima, Lukavcu, Brčkom i Srebreniku. U saradnji sa specijalnim partnerom - Olimpijskim komitetom BiH, Igre na terenima promovišu olimpijske vrijednosti kao što su prijateljstvo, poštovanje, izvrsnost i fair play. Ovogodišnja takmičenja u 45 bh. gradova održavaju se pod pokroviteljstvom Vlade Federacije BiH.

Mnogo takmičenja

Druženja u Tuzli započela su m:tel Danom sporta pod pokroviteljstvom Ministarstva za kulturu, sport i mlade TK-a na Trgu slobode, gdje su mališani od 1. do 5. razreda osnovnih škola sa područja Tuzle i okolnih gradova uživali u sportsko-zabavnom programu, a najsretniji i najspretniji u atletici i igri između dvije vatre su se okitili medaljama. Druženja su nastavljena regionalnim takmičenjima u nogometu, košarci, odbojci na pijesku i tenisu.

Direktan plasman na veliko finale Igara u Sarajevu, pobjedom u okviru Toyota Cupa u tenisu, ostvarili su Zana Kunasić i Mak Hadžiefendić, a prethodnom pobjedom u šahovskom turniru, održanom u Tuzli, na finalu će svoja majstorstva pokazati i Sanjin Čulum, Adin Mandžuka, Maša Babić i Merima Konjić koji će se boriti za plasman na međunarodno finale Igara koje će biti održano u Splitu.

- Osvojivši Lutrija BiH Cup u šahu u Tuzli, ostvarila sam plasman na veliko finale Igara u Sarajevu i, iako sam svjesna činjenice da će konkurencija biti poprilično jaka, nadam se da ću imati priliku otputovati u Split na međunarodno takmičenje, istakla je Maša Babić, pobjednica šahovskog turnira.

Pobjednice Elektroprivreda BiH Cupa u odbojci na pijesku Lana



Ovogodišnja takmičenja održana su u 45 bh. gradova / BAHRUDIN BANDIĆ

Halilčević i Almasa Suljić borit će se za titulu najboljih u državi na finalnom takmičenju Igara predstavljajući Tuzlu.

Posebna zabava za sve učesnike, ali i građane Banovića, održana je na centralnom trgu, gdje je više od 1.500 mališana u jutarnjim satima uživalo u Danu sporta i takmičenjima, dok su navečer svi građani ove općine imali priliku pjevati najveće hitove Crvene jabuke zahvaljujući besplatnom koncertu organizovanom u saradnji sa Općinom Banovići.

Igre ove godine ulažu dodatne napore u animiranju što većeg broja djevojčica da se bave sportom i pokazu da u svim sportskim disciplinama mogu biti jednako dobre

kao dječaci zahvaljujući saradnji sa UEFA foundation for children. Upravo u Banovićima je, pored takmičenja u košarci i nogometu za dječake, odigran i ženski nogometni turnir, a djevojčice iz ekipe FK Budućnost prištile su publici sjajne golove.

- Osvojile smo Coca-Cola Cup u nogometu u Banovićima. Iako smo prvobitno došle radi samog druženja, potajno smo se nadale pobjedi i samom plasmanu dalje. Jedva čekamo daljnja druženja, kazala je Asja Husanović, kapitenka ekipe FK Budućnost.

A da su djevojčice uspješne u svim sportovima, pokazuje i ekipa Dream team koja je u Lukavcu osvojila turnir u odbojci.

- Intesa Sanpaolo banka Cup u Lukavcu je naš! Uspjele smo ostvariti ovu pobjedu i obećavamo da ćemo u nastavku takmičenja svim prisutnima priuštiti odbojkaški spektakl kroz duga nadigravanja i sjajne pene, poručila je Emela Mosorvić u ime ekipe Dream team.

Radionice za mlade

Najljepša sportska priča u BiH se nakon Lukavca družila sa djevojčicama i dječacima u Brčkom, a kao najuspješnija među najmlađim nogometašima u kategoriji 2011. godište i mladi u ovom gradu pokazala se ekipa ŠF Šampion. Trojke i zakucavanja su bili sastavni dio košarkaških takmičenja u Srebreniku, a pobjedničke ekipe se raduju nastavku druženja.

- Osvojili smo Kinder Joy of moving Cup u košarci u Srebreniku i nadamo se pobjedi na polufinalnom takmičenju u Tuzli te plasmanu na finale, istakao je Eman Hadžić, kapiten pobjedničke ekipe Henta iz Srebrenika.

Pored ekipe Henta, na polufinalnom takmičenju u Tuzli za titulu najboljih i plasman na finale borit će se i djevojčice iz ekipe Bronksi.

A da Igre nisu samo takmičenja, pokazuju i zabavno-edukativne radionice, gdje su dječaci i djevojčice na terenima imali priliku učiti o zaštiti životne sredine sa Fondom za zaštitu okoliša Federacije BiH i kroz projekat "Zero Waste - budi dio igre, čuvajmo našu planetu" koji Igre provode u saradnji sa kompanijom Coca-Cola.



Gradnja autoputa

Srpski član Predsjedništva Bosne i Hercegovine Milorad Dodik izjavio je da je njegov zavjet izgradnja autoputa koji će povezati Banjaluku, Bijeljinu i dalje Srbiju. On je najavio da će u narednih nekoliko nedjelja početi radovi na dionici autoputa od mosta na Rači do Bijeljine, gdje će se graditi petlja.

"U završnoj smo fazi sa Kinezima da ovuda prođe dionica puta prema Brčko Distriktu i dalje prema Modriči, Koridoru Vc i dalje prema Doboju", kazao je Dodik.